



national treasury
Department:
National Treasury
REPUBLIC OF SOUTH AFRICA



PUO YA KOPANELO YA BOPHATLALATSI BA DITABA

LEFAPHA LA NAHA LA MATLOTLO LE DITSHEBELETSO TSA LEKGETHO TSA AFRIKA BORWA

E MABAPI LE KGATISO YA 12 YA SELEMO KA SENG YA DIPALOPALO TSA LEKGETHO

PRETORIA, LABOHLANO LA 20 TSHITWE 2019

Lefapha la Naha la Matlotlo le Ditshebeletso tsa Lekgetho tsa Afrika Borwa ba phatlaladitse kgatiso ya 12 ya selemo ka seng ya *Dipalopalo tsa Lekgetho*.

Phatlalatsa ena ya 2019 e fana ka kakaretso ya pokello ya lekgetho mmoho le lesedi la kgutliso ya lekgetho ya dilemo tsa ditjhelete tsa 2015 ho isa ho sa 2018 mmoho le dilemo tsa ditjhelete tsa 2014/15 ho isa ho tsa 2018/19.

Tshithabelo ya setekgeniki ya ikonomi ya 2018 a bakile hore ho be le kgolo e monyebe ya pokello ya lekgetho, mme sena se qetelletse se bakile hore ho be le tekolotlase ya lekgetho le neng le habilwe ho fihlellwa. Le ha pokello ya lekgetho e tswang ho mokgwatshebetso wa lekgetho e tsamaisana le ikonomi, ha ho shejwa, kgolo ya pokello ya lekgetho e bile hodingwana papisong le kgolo ya ikonomi. Dintlha tsa bohlokwa kgatisong ena ya 2019 ke tsena:

- Lekgetho le bokelletsweng e bile R1 287.7 billion, ena e bile kgolo ya selemo le selemo ya R71.2 billion (5.9%), eo boholo e tsheheditsweng ke Lekgetho la Lekenno la Batho ka bomong, le ileng la hola ka R30.9 billion (6.7%):
 - Lekgetho la Lekenno la Batho ka bomong (PIT) ka 38.3%, Lekgetho la Lekenno la Kgwebo (CIT) ka 16.6% mme Lekgetho la Boleng bo ekeditsweng (VAT) ka bokaofela ba lona le dutse e le mohlodi o moholohadi wa pokello ya lekgetho o ka bang 80.1% ba paloyohle ya dipokello tsohle tsa lekgetho.
 - Sena ke sekgahla sa kgolo e phethaphetilweng ya selemo ka seng sa 6.9% sa nako ya 2014/15 ho isa ho 2018/19. Palohare ya lekgetho papisong le Tlhahiso ya kakaretso ya Naha (GDP) e nyolohile hanyane ho tloha ho 25,5% ka

2014/15 ho isa ho 26.2% ka 2018/19 (keketseho ya 0.65 ya dintlha tsa phesente).

- Kgaolong ya 2: Lekgetho la Lekeno la batho ka bomong (PIT), manollo ya dihlahlobo tsa palo ya setjhaba le bodulo ba balefalekgetho ba ileng ba hlahlojwa ka nako ya mafelo a Phato 2019 e bontshitse diphetho tse itseng tse bakang thahasello:
 - 2 680 449 (54.5%) ya balefalekgetho ba hlahlobilweng ke balefalekgetho ba banna ha ba 2 236 580 (45.5%) e le basadi.
 - 1 342 511 (27.3%) ya balefalekgetho ba hlahlobilweng ba bile dilemong tsa 35 ho isa ho 44; mme
 - 1 976 674 (40.2%) ya balefalekgetho ba hlahlobilweng ba ngodisitswe Gauteng, moo ba 636 460 ba dulang Johannesburg Metro mme ba ile ba lefiswa lekgetho la palohare ya lekeno la R446 838.
- Dipalopalo Kgaolong ya 3 e mabapi le Lekgetho la Lekeno la Kgwebo (CIT) di bontsha hore dikhampaning tse 814 151 tse hlahlobilweng mafelong a Phato 2017, 24.3% e bile le lekeno le letle le lefiswang lekgetho. Ho feta moo 48.3% e nngwe e bile le lekeno le lefiswang lekgetho le lekanang le ha ho letho (zero), ha 27.4% e setseng e tlalehilwe e le tahlehelo e hlahlobilweng;
- Kgaolo ya 4 e bontsha hore ka 2018/19, 77.2% ya barekisi ba VAT e ne e le dikhampani kapa dikoporasi tse kwetsweng. Bona ba bile le kabelo ya 92.3% ditefong tsa VAT ya Lehae mme tsa ba le kabelo ya 90.4% ya dipusetso tsa VAT. Le ha batho ka bomong ba bona (bao e leng borakgwebo ka bobona) e bile 17.3% ya karolo ya barekisi ba VAT, ba bile le kabelo ya 3.0% ya ditefo tsa VAT ya Lehae mme ba fumana dipusetso tsa VAT tsa 1.3%.
- Ho latela se hlositsweng Kgaolong ya 5, VAT ya Thomelohare le Dikgafa tsa Bolaodi ba Meedi di bontshitse dikgahla tse hodingwana tsa kgolo papisong le tsa 2017/18. Tsona e bile 13.6% le 4.3% ya paloyohle ya Pokello ya Lekgeho ka ho fapana, sena se bakile bokaofela ba 17.9%, mme sena se bapile le se tlwaelehileng sa dilemp tse fetileng. Kabelo ya makgetho ana papisong le GDP le yona e ile ya nyolohela ho 4.7% ho tswa setlwaeding sa dilemo tse hlano tsa ho feta sa 4.6%, moo VAT ya Thomelohare e tlalehileng 3.6% mme Dikgafa tsa Bolaodi ba Meedi e bile 1.1% bakeng sa 2018/19.
 - VAT ya Thomelohare ho tswa makaleng a ka hodimo a 3 a nang le kabelo ikonoming a bile le 87.8% hodima paloyohle, ana ke makala a *Wholesale and Retail Trade, Catering and Accommodation (Tertiary)* ka 40.0%, mme le latelwe ke lekala la *Manufacturing (Secondary)* ka 30.1% le la *Financial*

Intermediation, Insurance, Real-Estate and Business Services (Tertiary) ka 17.7%.

- Sekgahla sa kakaretso sa Dikgafa tsa Bolaodi ba Meedi ka 2018/19 e bile 3.1% papisong le sa ngwahola sa 3.2%. Disebediswa tsa bohlokwa tse bileng le dikgahla tse hodimodimo tsa Dikgafa ebile *Footwear and Accessories* ka 24.4%; *Hides, Skins and Leather* ka 19.4%; *Textiles and Clothing* ka 15.8%; *Food, Beverages and Tobacco* ka 11.4% mmoho le *Vehicles, Aircraft and Vessels* ka 7.6%.
- Ha re phethela, Kgaolo ya 6: Makgetho a mang le Dipokello di fana ka lesedi la makgetho a kang a Kuno e Entsweng ka mora Thekiso ya Dithoto (CGT), Kgafa ya Phetiso, Royalthi ya dimenerale le petroliamo (MPRR), ditefo tsa SACU le dipusetso tsa disele. Ka 2018/19, ho ile ha ba le R17.9 billion ya CGT eo R9.5 billion ya yona e bileng ka lebaka la batho ka bomong mmoho le ditherasete le R8.3 billion ya dikhampani. Sena se bontsha keketseho e seng kae ya R249 million (1.4%) hodima R17.6 billion e fumanweng ka 2017/18. Ke bokaofela ba R124.6 billion bo seng bo fumanwe haesale hoba ho qalwe ka CGT ka Mphalane wa 2001.

Ditokomane tsa Dipalopalo tsa Lekgetho tsa 2019 di fumaneha websaeteng ya SARS le ya Lefapha la Naha la Matotlo e leng www.sars.gov.za and www.treasury.gov.za.

Ka bobedi SARS le Lefapha la Naha la Matlotlo re ananela maikutlo le ditlhahiso tsa setjhaba mabapi le ho ntlafatsa tshebediso ya phatlalatso ena ka tekolo ya leano le ho ntsketsa pele menahano e metjha e mabapi le dintlha tsa phedisano le ikonomi Afrika Borwa. Tsena di ka romelwa ka imeile ho taxstatistics@sars.gov.za.

Ho fumana lesedi le leqepheng lena ka dipuo tse fapaneng tobetsa dihokedi tse ka tlase:

- IsiZulu
- Sesotho
- Afrikaans
- Sepedi
- Xitsonga

KE PHETHO

Dipatlisiso: SARS Media sarsmedia@sars.gov.za
National Treasury Communications Unit media@treasury.gov.za kapa letsetsa 012 315 5000